

UGOVOR O JAVNOJ NABAVCI

I ISPORUCI JEDNOG PUTNIČKOG MOTORNOG VOZILA RENAULT FLUENCE 1.5

1. **Sarajevska regionalna razvojna agencija SERDA d.o.o. Sarajevo**, Kolodvorska 6, koju zastupa direktor dr. Ševkija Okerić, (u daljem tekstu: Ugovorni organ) i
2. **„SERVICE MAXX“ d.o.o. Sarajevo**, Safeta Zajke broj 181, Novi Grad - Sarajevo, koga zastupa direktor Nedžad Junuzović, (u daljem tekstu: Dobavljač)

I PREDMET UGOVORA

Član 1.

Predmet ovoga Ugovora je nabavka i isporuka jednog putničkog motornog vozila u službene svrhe za potrebe SERDA d.o.o. Sarajevo, RENAULT FLUENCE 1.5, karakteristika navedenih u Tenderskoj dokumentaciji br: JN-02/17, u Konkurentskom postupku, a prema Ponudi ponuđača br: ID-006/17 od 27.01.2017. godine.

II CIJENA

Član 2.

Vozilo koje je predmet ovog Ugovora će se isporučiti Ugovornom organu, po fiksnoj cijeni koja je data u ponudi Dobavljača.

Cijena vozila iz Ponude bez PDV-a iznosi 17.470,00 KM, popust na cijenu je 1.170,00 KM, a ukupna vrijednost Ponude bez PDV-a sa popustom iznosi 16.300,00 KM.

III NAČIN PLAĆANJA

Član 3.

Plaćanje za vozilo iz člana 1. ovog Ugovora će se izvršiti na sljedeći način:

- plaćanje putem poslovne banke na račun broj 1322602016586472 otvoren kod NLB Banke d.d. Sarajevo,
- plaćanje po ispostavljenoj profakturi.

IV ROK ISPORUKE

Član 4.

Dobavljač se obavezuje da vozilo iz člana 1. isporuči u roku od najduže 5 dana od zaključivanja ugovora od obiju strana.

V OBAVEZE UGOVORNOG ORGANA

Član 5.

Ugovorni organ se obavezuje da:

- izvrši obavezu iz člana 3. ovog Ugovora

VI OBAVEZE DOBAVLJAČA

Član 6.

Dobavljač se obavezuje da:

- izvrši obavezu iz člana 4. ovog Ugovora,
- isporuči vozilo traženog kvaliteta
- ispostavi fakturu za isporučeno vozilo
- dostavi garanciju/Izjavu na vozilo u skladu sa prihvaćenom Ponudom broj ID-006/17 od 27.01.2017. godine (24 mjeseca od dana isporuke).

Član 7.

Za ugovoreno vozilo iz tačke 1. ovog Ugovora Dobavljač daje garanciju na kvalitet i funkcionalnost u trajanju od 24 mjeseca od dana isporuke.

Garancija za vozilo obuhvata sve kvarove nastale usljed grešaka u proizvodnji i materijalu.

Dobavljač će u toku garantnog perioda održavati vozilo u funkcionalnom stanju i u okviru toga izvršavat će redovno održavanje i otklanjanje kvarova, odnosno popraviti ili zamijeniti komponentu ili neispravni dio vozila.

VII PRIMOPREDAJA

Član 8.

Primopredaja vozila vrši se potpisom otpremnice, a ista se potpisuje nakon kvalitativnog i kvantitativnog prijema vozila i opreme, koju će izvršiti predstavnik Ugovornog organa. Ukoliko se pregledom utvrdi da kvalitet ponudjenog vozila ne odgovara traženom i ponudom utvrđenom kvalitetu (brend name oprema) i kvantitetu, Ugovorni organ zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu Dobavljača.

Član 9.

Dobavljač nema pravo zapošljavanja, u svrhu izvršenja ugovora o nabavci, fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, šest mjeseci po zaključenju ugovora.

VIII PENALI

Član 10.

Za svaki dan zakašnjenja Dobavljač se obavezuje da naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

IX VIŠA SILA

Član 11.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile.

X OSTALE ODREDBE

Član 12.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 13.

Ovaj ugovor stupa na snagu kada ga potpišu obje ugovorne strane. Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Član 14.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog Ugovora je Ponuda iz člana 1. ovog Ugovora.

**ZA DOBAVLJAČA
DIREKTOR**

Nedžad Imamović

Broj: UG-007/16

Dana, 07.02.2014.

Service MAXX d.o.o. (1)
Bafeta Zafke 161, 7100 Saraje

**ZA UGOVORNI ORGAN
DIREKTOR**

dr. Ševkija Okerić

Broj: UG-12/14

Dana, 07.02.2014.